

Premi da cultura dal chantun Grischun 2022

Not Vital, artist e pussibilitader, 1948, Sent

La Regenza surdat a Not Vital da Sent il Premi grischun da cultura 2022. Ella undrescha l'artist che ha plazzà il Grischun sin la charta mundiala da l'art contemporan. Particularmain undrescha ella però sia lavur sco cunconcepider da la cuntrada culturala ed architectonica da l'Engiadina Bassa cun in parc, cun ina biblioteca, cun renovaziuns da chasas veglias e cun la renaschientscha d'in chastè ad in lieu da l'art.

Ils premis da renconuschientscha 2022

Martina Berther, musicista, 1984, Cuira

La Regenza surdat a la musicista da jazz Martina Berther in premi da renconuschientscha per sia abilitad agila e virtuosa sco bassista e sco musicista sin tribuna.

Kurt Hauenstein, architect, 1947, Fläsch

La Regenza surdat a l'architect Kurt Hauenstein in premi da renconuschientscha per sias renovaziuns e per ses engaschament sco maister constructur dal vitg da Fläsch.

Agnes Tscharner, 1957, e Lorenz Kunfermann, 1956, libreria e librari, Tusaun

La Regenza surdat ad Agnes Tscharner ed a Lorenz Kunfermann ch'èn libreria e librari, in premi da renconuschientscha. Els dus han manà sur onns cun perseveranza e cun success economic ina libreria ed han sviluppà quella ad in punct da contact cultural central.

Paulin Nuotclà, musicist, dissegner, restauratur, 1951, Susch

La Regenza surdat a Paulin Nuotclà in premi da renconuschientscha. Il musicist, restauratur, magister da dissegner, illustratur, stuccatur, artist da sgrafitto, autur da comics e pictur è in artist universal.

Bruno Ritter, pictur e dissegner, 1951, Bregaglia

La Regenza surdat a Bruno Ritter in premi da renconuschientscha. Il pictur che viva en Bregaglia è in grond artist dal dissegner. Cun ses maletgs raquinta el istorgias sorprendentas ed emoziunalas davart las muntognas e davart la glieud che viva là.

Fundaziun Pro Girun, Zernez, Jürg Paul Müller, Klaus Robin, Chasper Buchli e Luzi Bärtsch

La Regenza surdat a la Fundaziun Pro Girun, Zernez, in premi da renconuschientscha. En spezial han Jürg Paul Müller, Klaus Robin, Chasper Buchli e Luzi Bärtsch furnì ina protecziun da la natira directiva, quai grazia a lur cumpetenzas culturalas e grazia a lur prestaziun scientifica eccellente e: la reintroducziun dal tschess barbet en il Grischun.

Ester Vonplon, fotografa, 1980, Castrisch (Glion)

La Regenza surdat ad Ester Vonplon in premi da renconuschientscha. La fotografa è ina perscrutadra da maletgs. En la fotografia avra ella champs e maletgs che n'eran enfin ussa anc betg enconuschents en questa moda e maniera.

Ils premis da promoziun 2022**Julia Barandun, artista figurativa, 1984, Tartar/Berna**

La Regenza surdat a Julia Barandun in premi da promoziun. La pictura e dissegnadra realisescha installaziuns e maletgs commovents or d'inscunters cun la memoria.

Gion Andri Cantieni, inschigner da programs, 1988, Sagogn/Turitg

La Regenza surdat a Gion Andri Cantieni in premi da promoziun. El s'engascha cun grond anim per che la lingua e cultura rumantscha chattian lur lieu en il mund digital.

Bruno Cattaneo, scrinari e musicist, 1982, Grono

La Regenza surdat a Bruno Cattaneo in premi da promoziun. Il scrinari ha emprendì a sunar la tibia ed ha cumenzà sez a la construir.

Milena Crameri, sautunza e coreografa, 1998, Poschiavo, e Dorotea Crameri, chantadura e musicista, 2000, Poschiavo

La Regenza surdat a Milena Crameri ed a Dorotea Crameri in premi da promoziun. Ensemen han las duas soras realisà projects unics ed originals che valuriseschan anc pli fitg lur passiu e lur abilitad individuala en lur disciplinas saut e musica.

Gian Suhner, realisatur da films, 1987, Cuira/Berlin

La Regenza surdat a Gian Suhner in premi da promoziun. Per in'exposiziun davart la Corea dal Nord ha il realisatur da films producì ina seria da films extraordinaris che permetta da prender invistas commoventas d'in mund che resta per gronda part zuppà al vest.